

**CEB II – „ZATVARANJE KOLEKTIVNIH CENTARA I ALTERNATIVNIH SMJEŠTAJA KROZ OMOGUĆAVANJE
JAVNIH STAMBENIH RJEŠENJA“**

Broj: 04-36-1-2053 - 1753 /13
Sarajevo, 22-04-2021 godine

Na osnovu člana 70. stav (1) i (4) Zakona o javnim nabavkama („Službeni glasnik BiH“, broj: 39/14), a na Preporuku Komisije za javnu nabavku, imenovane Rješenjem broj: 04-36-1-2053-1636-1/13 od 03.02.2021. godine, Federalni ministar raseljenih osoba i izbjeglica **donosi**

**O D L U K U
O PONIŠTENJU POSTUPKA JAVNE NABAVKE**

I

Poništava se postupak javne nabavke za izvođenje građevinskih radova na izgradnji dva višeporodična stambena objekta u Općini Drvar, Pod-projekt 128 CON, u okviru Projekta CEB II „Zatvaranje kolektivnih centara i alternativnog smještaja pružanjem javnih stambenih rješenja - LD 1789 (2013)“, jer su cijene svih prihvatljivih ponuda znatno veće od osiguranih sredstava za predmetnu nabavku, u skladu sa članom 69. stav (2) tačka e) Zakona o javnim nabavkama („Službeni glasnik BiH“, broj: 39/14).

II

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 04-36-1-2053-1636/13 od 03.02.2021. godine. Javna nabavka provedena je putem otvorenog postupka. Procijenjena vrijednost nabavke iznosila je 2.935.085,00 KM bez PDV-a i predviđena je Aneksom br. 1 Plana javnih nabavki za 2021. godinu, u okviru Projekta CEB II - „Zatvaranje kolektivnih centara i alternativnih smještaja pružanjem javnih stambenih rješenja - LD 1789 (2013)“, pod rednim brojem 07/21-CEB II, Podprojekat 128/CON. Obavještenje o nabavci, broj: 668-1-3-9-3-31/21 objavljeno je dana 04.02.2021. Sažetak Obavještenja o nabavci objavljen je u „Službenom glasniku BiH“, broj: 9, str.12 i 13 od 12.02.2021. godine.

Javno otvaranje ponuda izvršeno je dana 12.03.2021. godine u 10.30 sati. Otvaranje ponuda izvršila je Komisija za provođenje postupka javne nabavke za izvođenje radova, imenovana Rješenjem broj: 04-36-1-2053-1636-1/13 od 03.02.2021. godine. U Zapisniku sa otvaranja ponuda broj: 04-36-1-2053-1743/13 od 07.04.2021. godine, konstatovano je da su blagovremeno zaprimljene 3 (tri) ponude i to od strane ponuđača: Progres-gradnja d.o.o. Banja Luka, Građevinsko društvo konstrukcije d.o.o. Mostar i Meister doo Sarajevo.

U procesu tehničke evaluacije ponuda, ustanovljeno je da ponuda ponuđača Progres-gradnja d.o.o. Banja Luka ne ispunjava tehničke uslove date u tenderskoj dokumentaciji, tačnije, navedeni ponuđač nije ispunio uslove iz tačke 9.1.4 TD.

Tačkom 9.1.4 TD propisano je sljedeće:

Ponuda se izrađuje na način da čini cjelinu. Ispravke u ponudi moraju biti izrađene na način da su vidljive i potvrđene potpisom i pečatom ponuđača uz navode koji se ispravljaju, a ako su u pitanju numeracije (brojevi) onda se ispravke vrše na način da se broj koji se ispravlja precrtava kosom linijom kojom prilikom

mora ostati vidljiv, a da se novi broj upisuje iznad precrtanog broja. Potvrda potpisom i pečatom treba biti sa desne strane uz broj koji se ispravlja.

Uvidom u ponudu predmetnog ponuđača, Komisija je konstatovala da je ponuđač u Obrascu za cijenu ponude, vršio ispravke i to na sljedećim stavkama:

Str. 39. Ponude, VIII Keramičarski radovi, stavka 4., Nabavka materijala, doprema i postavljanje vanjskih podnih granitnih pločica, kolona Ukupna cijena (KM);

Str. 50. Ponude, XIII Molersko farbarski radovi, stavka 1., Nabavka, doprema materijala i bojenje unutrašnjih zidova, kolona Ukupna cijena (KM);

Str. 50. Ponude, XIV Tesarski radovi, stavka 1., Izrada krovne konstrukcije, kolona Ukupna cijena (KM);

Str. 63. Ponude, I Mašinske instalacije, stavka 10., Isporučka i montaža ispusne slavine R 1/2", kolona Ukupna cijena (KM);

Str. 73. Ponude, V Zidarski radovi, stavka 12., Nabavka, doprema i ugradnja montažnih ventilacionih kanala, kolona Ukupna cijena (KM);

Str. 75. Ponude, VII Hidroizolaterski radovi, stavka 3., Ugradnja geotekstila, kolona Ukupna cijena (KM);

Str. 112. Ponude, II Betonski radovi, stavka 2., Nabavka i ugradnja armature, kolona Ukupna cijena (KM);

Str. 118. Ponude, Rekapitulacija vanjsko uređenje-elektroinstalacije, stavka I Vanjsko uređenje – E Faza, kolona Ukupna cijena (KM);

Kako je gore navedenom tačkom tenderske dokumentacije propisano da se ispravke brojeva vrše na način da se broj koji se ispravlja precrtava kosom linijom, kojom prilikom mora ostati vidljiv, a da se novi broj upisuje iznad precrtanog broja, uz potvrdu potpisom i pečatom sa desne strane uz broj koji se ispravlja, Komisija je konstatovala da su ispravke vršene korektorom, dakle, suprotno uputstvu iz tenderske dokumentacije.

Ponuda ponuđača Progres-gradnja d.o.o. Banja Luka se odbacuje na osnovu člana 68. stav (1) Zakona o javnim nabavkama (Sl. Glasnik BiH broj: 39/14), iz razloga jer navedeni ponuđač nije ispunio uslove iz tačke 9.1.4 tenderske dokumentacije.

Nakon provedene e-aukcije tehnički zadovoljavajućih ponuda, koja je održana dana 30.03.2021. godine, konstatovano je da je ponuđena najniža cijena od strane ponuđača Građevinsko društvo konstrukcije d.o.o. Mostar u iznosu od 3.462.000,00 KM bez PDV-a.

Obzirom da procijenjena vrijednost nabavke (bez PDV-a) iznosi 2.935.085,00 KM, a da je najpovoljniji ponuđač nakon provedene e-aukcije ponudio cijenu u iznosu od 3.462.000,00 KM bez PDV-a, koja prelazi procijenjenu vrijednost nabavke, Komisija za javnu nabavku obratila se ugovornom organu/projekt menadžeru dopisom broj: 04-36-1-2053-1712-1/13 od 01.04.2021. godine, za mogućnost obezbjeđenja dodatnih sredstava za predmetnu nabavku.

Ugovorni organ/projekt menadžer je dopisom broj: 04-36-1-2053-1712-2/13 od 07.04.2021. godine, obavijestio Komisiju da se u konkretnom slučaju radi o znatnom prekoračenju procijenjene vrijednosti nabavke, i da se postupak javne nabavke poništi.

Komisija za javnu nabavku, uputila je ovlaštenoj osobi ugovornog organa preporuku za donošenje Odluke o poništenju postupka javne nabavke. U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama („Službeni glasnik BiH“, broj: 39/14), podzakonskim i internim aktima i tenderskom dokumentacijom.

Iz navedenih razloga, a primjenom člana 69. stav 2. tačka e) i člana 70. stav 1., 4. Zakona o javnim nabavkama („Službeni glasnik BiH“, broj: 39/14), odlučeno je kao u dispozitivu ove Odluke

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka

Dostaviti:

1. Ponuđačima/Učesnicima u postupku
2. Web stranica Ministarstva
3. Dokumentacija Komisije
4. a/a



MINISTAR
dr. sci. Edin Ramić